



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. I. Vtrüm in Deo sit Scientia.

urn:nbn:de:hbz:466:1-13718

*Varia Dei
Nomina ac-
cidentalia.*

distinctum, quale nihil in Deo reperitur. Unde nomina accidentalia solummodo proveniunt Deo à rebus ei extrinsecis, ut est Nomen, seu Denominatio Creatoris, Redemptoris, Domini, Iudicis, Remuneratoris &c. si sumantur in actu secundo, & pro virtute exercitata; si enim sumantur in actu primo, seu pro potentia creandi, remunerandi &c. sunt nomina substantialia, juxta dicta numero praecedente.

*IV.
Omnia Dei
nomina non
sunt synoni-
ma.*

Quæres quartus: Utrum omnia Dei nomina sint Synonima? Respondeatur negativè, maximè in nostrâ sententia, qui suprà disp. 4 sect. 2. diximus nec Essentiam in Attributis, nec Attributa in Essentiâ, nec unum Attributum in alio formaliter includi, imò & unum Attributum posse, etiam objectivè, ab alio præcindi. Unde licet à parte rei omnia realiter sint idem, cum tamen nomina iis imponantur, non ut sunt in re, sed prout substanti diversis conceptibus, & hi nunc unum Attributum representent, nunc aliud in sententiâ precisiones objectivas admittente, aut totum concipiante in ordine ad diversa connotata, in alterâ sententiâ, sicut conceptus objectivi non sunt synonimi, ita nec forma-

les, ac proinde neque nomina, quæ ad conceptus formales consequuntur.

Quæres quinto: Utrum nomen aliquod imponi possit Deo & creaturis commune univocè; seu, quod cùdem recidit, utrum dentur prædicta quædam univoca, abstracta à Deo & creaturis? Quæstionis hujus resolutio ab iis pendet, quæ in dialeticâ tradi solent, de Analogia Entis. Cùm ergo ibi Disp. 40, sect. 3. dixerim, solam transcendentiam constitutam Analogiam, sequitur, præter unum prædicatum Entis, reliqua omnia, ut Substantia, Vivens, Spiritus, &c. Deo cum creaturis communia, esse univoca, & consequenter nomina hos conceptus exprimita erunt similiter univoca.

*Multa Deo
& creaturis
sunt com-
munia uni-
vocè.*

Prae aliis Dei Nominibus, tria à sanctis Patribus maximè celebrantur, Deus, Qui est, & Nomen illud Tetragrammaton; quod, quo pacto pronuncianendum sit, est incertum, licet vulgo Iehova dici soleat. Hæc tria, simul cum aliis Dei Nominibus, declarat S. Hieronymus Epist. 136. S. Thomas etiam hic, q. 13. a. 8. 9. 10. & 11. tria ista Nomina inter se comparat, & de iis fusè disputat. Sed hæc pro instituto nostro sufficiunt.

*VI.
Tria præ-
putia Dei
Nomina.*

DISPUTATIO XXII.

De Scientia Dei.

HACTENVS de Attributis negativis dictum est, Utrumquid Deus non sit potius, quam quid sit declaravimus. Nunc ergo Divina Natura penitus inspicienda, positivæque ejus perfectiones ac proprietates declarandæ. Hæc porro ut plurimum numerantur tres, Scientia, Voluntas, & Potentia, ad quas veluti ad fontes & origines, cetera omnia reducuntur. De his proinde, eâ, qua per rerum gravitatem fas est, brevitate, suo ordine agemus.

SECTIO PRIMA.

Vtrum in Deo sit Scientia.

*I.
Et si te,
naturali
lumine con-
stat dari in
Deo Scien-
tiam.*

SCIENTIAM Deo quisquis denerat, mundi oculum extinguit, ex quoque omnia casui, ac temeritati, stolidâ fatigatur exponit. Hanc itaque in Deo reperi, & Fides docet, & lumine naturali demonstratur: èdem quippe claritate & certitudine quâ constat Numen esse, quod Universum hoc crevit ac gubernat, constat etiam Scientiâ eum & Sapientiâ esse instrutum, sine qua nimis nec rebus hisce prospicere, nec ullum prudentis moderatoris obire munus potest.

*II.
Ratio est,
quia Deus
res variis
Scientiâ
præditas pro-
ducit, est
in se Ens om-
nium perfe-
ctissimum.*

Probatur primò: Deus namque res intellectu & Scientiâ præditas producit: quis ergo sanæ mensis cum his carere afferret? Ratio vero à priori est: Deus siquidem Entium omnium Ens est nobilissimum & perfectissimum; ergo omnis in eo reperi debet perfectio sine imperfectione, seu simpliciter simplex, ut loquuntur Theologi: sed intelligere & scire sunt perfectiones, quæ nullam in se involvunt imperfectionem: ergo. Quare appositi ad rem hanc S. Augustinus in illa verba Psalmi; Dominus seit cogitationes hominum: Non habet, inquit, unde audiat, qui tibi fecit unde audias? Ipse non seit qui te

fecit scire? Et, si tu nescis cogitationes Dei, quoniam justæ sunt, ille tamen scit cogitationes hominum, quoniam vana sunt.

Clarissime veritatem hanc variis locis testatur Scriptura: sic Job 21. v. 22. dicitur: Nunquid Deum docebit quipiam Scientiam? Item Ecclesiastici 23. v. 28. Oculi Domini multò plus lucidiores sunt super solem: circumspicientes omnes vias hominum, & profundum Abyssi, &c. Tandem, hæc & alia uno verbo complectens Apostolus exclamat: O altitudo divitiarum sapientia, & scientie Dei, &c.

*III.
Deum ha-
bere scien-
tiā, scit
testatur
Scriptura.*

Quare tanquam delirium rejiciendum est somnum illud Averrois, afferentes, Deum creaturarum Scientiam non habere, ne scilicet ex rerum vilissimarum conspectu vilesceret divinus intellectus. Sed hoc, ut dixi, est aperte contra lumen naturæ: quid enim magis absolum, quam auctor ac moderatorem Universi cæcum constituere: maximè, cum apud omnes in confessio sit, Opus naturæ esse opus Intelligentie.

*IV.
Male de
Scientia Dei
loquitur
Averroës.*

Quare, dum S. Hieronymus in cap. 1. Abacuc, Deo indignum esse affirmat, tantum Majestatem ad hoc deducere, ut sciat per momenta singula, quos nascentur, quot moriantur culices, & alia hujusmodi: solum vult, non habere Deum Scientiam illam practicam, seu speciale curam, & providentiam, circa res hæc, quam habet de hominibus, quos ordinat ac dirigit ad finem supernaturalm. Quo sensu dixerat antea Apostolus: Nunquid de bonis v. 9. cura est

*V.
Explicatio
dicti cuiusf-
dam S. Hier-
onymi cir-
ca Dei scien-
tiā.*

cura est Deo? Cū tamen certum sit, etiam boves aliquo modo ad Dei providentiam spectare, sicut & pastores, & pullos corvorum, quos, teste Scripturā, pascit, nec nisi natu ipsius interram decidunt, aut nascuntur, & intereunt.

VI.
Divina
Scientia
primario
versatur
circa Deum.

Hac porro Divina Scientia, quamvis circa res etiam creatas versetur, primò tamen, & præcipue, versatur circa Deum, qui se per se ipsum intelligit, & quicquid in Deo est, perfectissimo modo, atque adeo comprehensivè, cognoscit. Quo pacto autem Dei Scientia ad creaturas extendatur, & utrum creaturas in se, aut in ipsis creaturis cognoscat, hujus decursu Disputationis videbimus.

SECTIO SECUNDA.

Declaratur ulterius, quo pacto Divina
Scientia primario versatur circa
Deum: Vbi, utrum in Deo sit
ratio habitus, aut specie
intelligibilis.

I.
Potest idem
esse cognitionis
& cognitionis
non tamen
causa & effectus.

S. Thomas.

Aristoteles.
Academici.

II.
Aliud est de causa & effectu; hic enim realis in-
tercedit productio, & actio, non intentionalis, sed
causa & ef-
fectus, aliud
de cognitionis & cognitionis.

III.
Dicitur sine in-
commodo
potest Deus
operari &
terminus
sua cogni-
tionis.

IV.
Virum in
Deo repre-
sentari con-
ceptus ha-
bitus.

CONTRA id quod in fine scđt. præcedentis diximus, Scientiam scilicet Divinam primario circa Deum versari, opponunt aliqui: non posse idem esse cognitionem & cognitionis, sicut nec potest res eadem esse simul causa & effectus. Respondeatur tamen negando antecedens, cūm, ut supra Disp. 18. scđt. 7. num. 14. & 15. ostendit, id etiam in creatis contingat; idem quippe actus intellectus sepe supra seipsum reflectit, sive se habet pro objecto. Unde de intellectione, seu Scientiâ Dei sic loquitur S. Thomas hic, q. 14. a. 4. ad 3. Intellegere divinum, inquit, quod est in se ipso subsistens, est seipsum, & non alicuius alterius, ut sic oporteat procedere in infinitum. Et ad eandem rem Aristoteles lib. 12. Metaph. cap. 9. de Deo loquens, Seipsum, inquit, intelligit, &c. & intellectus est intellectio intellectus. Id ipsum etiam Academicus Duxum suum Platonem sequentes, passim docebant, Deum nempe seipsum intelligere, quod scilicet praefantissima mens habere pro objecto debet præstantissimum intelligibile, nihil autem Deo est præstantius.

Aliud est de causa & effectu; hic enim realis intercedit productio, & actio, non intentionalis, sed causa & effectus, aliud de cognitionis & cognitionis.

Quare non video cur P. Erice hic Disp. 4. cap. 1. dicat, Essentiam Divinam vocari non posse objectum aut terminum intentionalem secundum rem sue cognitionis: non inquam, video cur quisquam hoc dicere refutat, cūm esse objectum aut terminum cognitionis, & esse cognitionis sint planè idem, nullaque in re inter illa sit discrepantia. Imò ulterius exstimo, quando cognitione Divina cognoscit seipsum, ne ratione quidem cognitione à cognitione distingui, nec, quod volunt aliqui, dari in Deo cognitiones, quarum una super aliam reflectat in infinitum.

Quod secundum: utrum nimis dicere possit, in Deo reperiri conceptum habitus. Quidam, cūm in Deo sit summa intelligentiæ facilitas, hoc nomine ait in illo reperiri conceptum habitus, cu-

jis unum munus est facilitare ad actum. Sed contraria: etiam oculus summam facilitatem videret, & reliqui sensus objecta sua facilissime percipiunt, & tamen nullus propere in iis statutum conceptum habitus. Cū ergo conceptus habitus sit, non facilitare utcumque, sed addere facilitatem potentiae, quae ex se illam temper non habet, quique sit per modum complementi cuiusdam & adminiculi talis virtutis seu potentiae; clarum videtur, in Deo reperi habitum non posse, utpote qui ejusmodi adminiculum non indiget, ac proinde non sine imperfectione hic ei tribui conceptus potest.

Dices: saltem non est cur habitus supernaturalis in Deo non reperiatur; hic enim non facilitat, sed simpliciter posse. Sed contraria: nihil enim Deo supernaturale in illo reperi habitum potest, sed quidquid habet Deus est ipsi maximè connaturale.

Quoad tertium: Utrum scilicet in Deo detur species impressa, seu intelligibilis, non est omnibus perinde certum. Quidam namque ita speciem intelligibilem à Deo excludunt, ut nullum planè illius munus in eo reperiatur afferant.

Exstimo tamen cum P. Granado Disp. primâ de Scientia Dei, num 9. P. Alatcon, & aliis, dari aliquo modo in Deo speciem intelligibilem: quod etiam variis locis afferit S. Thomas, ut hic, q. 14. a. 2. & 4. Hæc tamen intelligenda sunt, non secundum adæquatum munus speciei, sed inadæquatum: unum quippe munus speciei impressa est, physicè simul cum potentia coifficere visionem, seu intellectu; hoc autem munus certum est non reperi in entitate Dei, respectu intellectus essentialis, cūm hæc sit essentialiter inproducta. Hoc ergo solùm sensu dicimus, essentiam Dei esse speciem, quatenus determinat intellectum divinum ad intellectu; seu representationem objecti, quod est unum munus speciei.

Dices: munus speciei est, non quomodocunque potentiam seu principium intelligendi determinare, sed loco objecti: hic autem istud continere non potest, cūm objectum semper sit præsens intellectu, & potens cum determinare; quid enim magis alicui præsens, quam idem sibi: ergo Essentia Divina nullo modo est species intelligibilis. Respondeo, hoc ad summum probare, Essentiam Divinam non esse speciem ad cognitionem sui, at saltem esse poterit respectu creaturarum, præsentim si illas Deus cognoscat in seipsum, de quo postea. Imò aliquo modo etiam, saltem inadæquate, potest esse species Essentia Divina respectu cognitionis sui: licet enim nec supplet vices alicuius, nec concurrat ad efficiendam sui cognitionem, que sunt duo munera speciei; adhuc tamen determinat intellectum ad representationem sui, quod est unum munus speciei.

Unde, ut notat Granado citatus, etiam substantia Angeli, quando concurrit ad cognitionem sui, gerit hac in parte rationem speciei intelligibilis, licet in omnibus non quadret ci conceptus speciei: esto enim determinet intellectum, & coifficiat cognitionem illam, non tamen supplet absentiam aut vicem objecti, cūm sit ipsum objectum. Fatorum tamen, conceptum speciei non nisi late quodam modo, & impropriè Deo tribui posse.

SECTIO